

A dedica conferencia na defunto Carlyle De Coteau


Pa prome biaha a tene conferencia di "Harbour Port Control" na Aruba

ORANJESTAD (AAN):

E anochi tabata masha importante di cual Minister di Turismo, Transporte, Energia y Ambiente, Ing. Mike de Meza, a dedica specialmente na defunto Carlyle De Coteau, cu ta e persona cu a traha riba e proyecto pa trece e conferencia "Harbour Port Control" pa Aruba. Esaki ta e di 22 biaha cu nan ta organisa e conferencia aki y pa prome biaha aki na Aruba. E conferencia ta importante pasobra tur pais den Caribe ta presente pero tambe Hulanda y Merca. Tur participante a discuti riba diferente sistema di control pa cu wafnan maritimo den Caribe. "Lo bay tin diferente reunion riba esaki. Tin ehecutivonan di diferente waf di paisnan rond di nos cu ta presente y lo bay den detaye pa optimalisa mas tanto posibel e control cu tin riba nos waf maritimo", asina Minister Mike de Meza a indica. Tambe lo trata diferente desaroyo, pero mas cu tur cos e "samenwerkingsverband".

A compara paisnan den Caribe, por ehempel pa optimalisa control den wafnan maritimo. A inicia e conferencia y durante e proximo dianan lo ta ocupa, pasobra lo tin diferente discusion riba e punto aki.

Minister Mike de Meza a gradici Directie Scheepvaart Aruba, tambe a gradici e director interino Grace Koolman y su team pasobra nan a haci un trabou excelente. E departamento tabatin un guia, den un persona excepcional cu tabata Carlyle de Coteau y awo e empleadonan ta sigui cu e trabounan grandi no solamente pa Aruba pero internacional tambe por scucha e elogio cu tin. Ta masha tanto elogio tin pa Aruba, specialmente di islanan den region, cu ta contento pa e cooperacion y trabounan cu Directie




Scheepvaart Aruba ta haciendo.

Pa por haya e cooperacion maximo di departamentonan, companianan estatal, pero departamentonan di Gobiernotambe, mester duna espacio na e specialistanan di e departamentonan. Nan tin cu duna espacio na e Directornan di e departamentonan pa nan traha y nan sa kico pa haci, pasobra nan ta sinti nan mes liber pa haci e trabounan necesario pa hiba Aruba dilanti, compania estatal y departamentonan dilanti.



Minister Mike de Meza ta kere den e concepto aki, di cual cu tur Gobierno tin su parti den esaki pero mester duna espacio na e departamentonan y companianan. Ora cu haci esey y laga expertonan riba nan tereno haya y mira cu nan tin libertad pa eherce e trabou riba un manera



liber y semper responsabel. Tambe cu nan ta duna 'accountability' pa cu nan trabou y por mira cu ta haci uzo di un formula cu tin hopi potencial pa exito na final di dia.

